

PM saran petani pelbagaikan tanaman

UM - 4/2/2019 m/s: 3

KUALA LUMPUR 3 Feb. - Tun Dr. Mahathir Mohamad menyasarkan para petani di negara ini mempelbagaikan tanaman mereka dan tidak tertumpu kepada satu-satu tanaman sahaja seperti kelapa sawit atau getah.

Perdana Menteri berkata, kepelbagaian itu penting bagi mengelakkan petani daripada terperangkap dengan masalah kejatuhan harga komoditi di pasaran dunia.

“Tapi kalau kita tanam kelapa sawit, hari ini harga jatuh kita

akan menangis. Tapi kalau kita ada kelapa sawit dan satu bahagian kita tanam tanaman yang boleh beri pulangan seharian maka kita tidak akan terperangkap dengan kejatuhan harga kelapa sawit ataupun getah.



**MAHATHIR
MOHAMAD**

“Jangan kita pegang kepada satu jenis (tanaman) sahaja kerana kalau jatuh harga kita akan hadapi masalah,” katanya dalam rakanan video yang

dimuat naik dalam Facebook rasmi beliau selepas melawat beberapa kebun pertanian di

Selangor, hari ini.

Tambah Dr. Mahathir, walaupun cara pertanian baharu itu nampak menarik namun memerlukan disiplin, ilmu dan semangat yang tinggi dalam diri seseorang pengusaha.

Ujarnya, cara pertanian seperti itu juga bagus kerana semua usaha dijalankan dengan usaha sendiri dan tidak memerlukan bantuan tenaga kerja asing.

“Kalau kita mempunyai kesungguhan, kita akan berjaya. Tetapi kalau kita buat ini secara sambilan ditanam di belakang rumah ini tidak akan menjadi.

“Jadi kita kena tukar cara kita dan kita akan berjaya sebagai seorang peladang moden,” katanya.